



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 43. Ignatius a Lusitaniæ Rege Viros Apostolicos in Æthiopiam decernere rogatus.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI.

A.C. 1554.

§. XLII.

*Pontificis studium in Æthiopicis ad fidem Catholicam reducendis.*

Orland.

Hist. Soc.

l. 14. n. 122.

Et seq.

Maff. l. 2.

Oferius l. 5.

Eodem anno summus Pontifex ad Ecclesiæ unitatem revocare nitebatur Abyssinos, qui Dioscori, ac Eutyche-  
tis erroribus infecti Marco Patriarchæ suo eadem hæresi contaminato parebant. Porro Claudius eorum Imperator Reli-  
gioni Catholicæ admodum propensus datis literis Joannem III. Lusitaniæ Regem rogabat, quatenus Pontificem eo induceret, ut in Æthiopiam quem-  
dam ablegaret Episcopum, qui ejus subditos ad salutis semitam reduceret, Regnumque Ecclesiæ Romanæ recon-  
ciliaret. Equidem Joannes Rex hoc negotium summa sollicitudine urgebat, pii tamen hujus consilii executionem  
semper tumultus Ecclesiam agitantes interturbabant, unde nonnisi sub Pauli IV. Pontificatu Regis precibus hoc modo  
satis fieri poterat.

§. XLIII.

*Ignatius a Lusitaniæ Rege Viros Apo-  
stolicos in Æthiopiam decernere  
rogatus.*

Raynald.  
num. 24.

Itaque Lusitaniæ Rex præprimis cum Ignatio Societatis Præposito rem agere cœpit, ab eoque ex ipsius Alum-  
nis



nis quosdam petiit, ut illos in Patriarcham, & Æthiopiæ Episcopum designandos summo Pontifici proponere posset. Ægre quidem Ignatius Regis precibus annuebat, veritus, ne ejusmodi dignitates humilitati, quam suis discipulis vehementer inculcabat, derogarent: Nihilominus ex suis sociis tres hanc in rem selegit, Joannem Nonnium Barretum Lusitanum, in redimendo in Africa Christianos captivos virtutibus clarum, Andream Oviedum Castellani Neapolitani Collegii Rectorem, ac Melchiorem Carnerum Lusitanum, qui tum Romæ agebat. Ex his summus Pontifex Nonnium in Æthiopiæ Patriarcham selegit, ac paulo post eidem Pallium ex corpore D. Petri desumptum transmisit unacum plena potestate, omnibusque juribus non modo in Æthiopia, sed in omnibus vicinis Provinciis libere exercendis: insuper Oviedum destinabat in Nicensem, Carnerum vero in Hierapolitanum Episcopum, ita tamen, ut ambo Patriarchæ Successores declararentur. Præterea Casparus Barzæus nominabatur Commissarius Apostolicus, ut Goæ, ubi jam Rectoris officioungebatur, stabilem quoque sedem teneret. Porro Ignatius huic Patriarchæ, ac duobus illis Episcopis decem socios adjungebat, una cum li-

Sæc. XVI.  
A.C. 1554.

Orland.  
l. 14. n. 3.

E 5

teris



Sæcul. XVI  
A.C. 1554.

teris ad Abyffinorum Regem datis, quæ tamen non nisi anno sequenti millesimo quingentesimo quinquagesimo quinto scriptæ noscuntur, eoquod horum Præfulum iter usque ad id tempus differre oportuerit.

§. XLIV.

*Pontifex ad amplectendas Florentini Ducis partes propositis Nepotis sui nuptiis sollicitatus.*

*Thu. hist. l. 14*  
*Daniel hist.*  
*de France*  
*tom. 6. p. 47.*

Quamvis summus Pontifex Religionis Catholicæ propagationi felici successu insudaret, summis tamen identidem curis angebantur ob bellum, quod inter Cæsarem, & Henricum II. Franciæ Regem, Cosmam Florentiæ Ducem, & Gallos in Etruria exarserat; quippe Galli jamjam diuturna obsidione Clarascum, & Fossanum premebant, & quamvis lentius obsidentium laboresurgerentur, nihilominus timendum erat, ne tandem præfidiarii deditionem facere cogerentur, eoquod Gonzaga pecuniæ inopia pressus, militum suorum odium stipendiis jam a multo tempore haud persolutis incurrisset, aliunde vero ob dominatus sui asperitatem Hispanis magnopere invisus esset: quapropter hic Bellidux, cum tam commune omnium in se odium concitasset, haud magna ad Etruscum bellum auxilia Cosmæ